

D E
CHRISTI DOMINI
IN COELUM ASCENSU

O R A T I O

8,553.5/4

Habita in Sacello Pontificio

CORAM SANCTISSIMO DOMINO NOSTRO

CLEMENTE XI.
PONTIFICE MAXIMO

Ipsa Ascensionis die

A JOSEPHO DE NOBILIBUS VITELLESCHI
ROMANO.



ROMÆ MDCCXVII.

Typis JO: MARIE SALVIONI in Archigymnasio
SAPIENTIE.

1. The first part of the paper is devoted to a discussion of the

general principles of the theory of the

presented in the

2. The second part of the paper is devoted to a discussion of the

presented in the

presented in the

presented in the

3. The third part of the paper is devoted to a discussion of the

presented in the

4. The fourth part of the paper is devoted to a discussion of the

CLEMENTI XI.

PONT. MAX.

JOSEPH DE NOBILIBUS VITELLESCHI
Felicitatem.



Vid arduum sit magis, BEATISSIME PATER, coram Te dicere, an verò ad Te scribere, illi etiam profectò ignorant, qui vel coram Te dicere, vel ad Te scribere consueverunt. Scribentem quippe deterret dignitas gradus, dicentem vultus Majestas;

scribentem simul, ac dicentem Sapientia Mentis . Unum tamen est , quod scribenti ad Te mihi animum adjicit , & vehementer accendit ; idemque futurum spero, quod dicenti coram Te mihi fiduciam præbeat , & vires Clementia nempe illa tua , qua Majestatem, & Dignitatem ornas gloriosius ; Sapientiam verò sublimius elevas. Illud etiam accedit grande timoris levamen , Materies scilicet ipsa Orationis meæ ; qua nil suavius , jucundius nihil audiri , aut legi à Te posse arbitror ; Cùm inquam, Homo Deus Christus JESUS , cujus Tu Vicariam in Terris Potestatem geris , devicta mortis lege, deleta Adami peccato, reconciliato
humana-

*humano generi Patre , baptis-
 que secum inferni portis, novus, &
 melior Sampson , Triumphator
 super omnes Caelos ascendit , non
 furtim sublatus , ut Enoch ; non* Bernard. de
 Grad. Hum.
 cap. 1.
*subitò, ut Elias, raptus ; sed , vi-
 dentibus Apostolis, elevatus . Hæc* Act. cap. 1.
*sunt , BEATISSIME PATER , quæ
 me in spem erigunt , atque confir-
 mant fore , ut quæ scripserim , sive
 dixerim, non injucunda oculis, non
 ingrata auribus esse tuis possint ,
 argumenti nempe Pondus, & Pre-
 tium Clementia Audientis, atque
 Legentis . Hujus ergo Clementiæ
 ope fretus, & Argumenti dignita-
 te , quæcunque illa sint , quæ pro
 Ingenii Viribus sive ad Te scri-
 bere, sive coram Te dicere primùm*

*aggredior; libenter, imò, si addere
etiam hoc liceat, alacriter offerre
Tibi minimè vereor. Hoc unum
superest, ut sive ea, quæ scripsi-
mus, legas; sive audias, quæ dice-
mus, nihil in Oratione consideres,
nisi materiem; nihil in Te verò,
nisi Clementiam, neque enim ali-
ter, aut placere Legenti Oratio po-
terit, aut Orator Audienti. Inter-
ea illud erit unicè in votis mihi
sive scribenti, sive dicenti, ut Deus
ascendens in Cælum incolumem
diu SANCTITATEM VESTRAM servet
in Terris, communi Ecclesiæ bono,
Urbisque, & Orbis, privatæ, &
publicæ Felicitati.*

O R A T I O .



EMO ergo ascendit in Cœ- *Joan. 3.*

lum, BEATISSIME PATER,

nisi qui descendit de

Cœlo? Durus profectò

est hic sermo, ut minùs *2. ad Cor. 11.*

sapiens dico; Et quis *Joan. 6.*

potest eum audire? Si nemo enim ascen-

dit in Cœlum, nisi qui de Cœlo descen-

dit, quomodo nos ascendemus in Cœ-

lum, qui nunquam de Cœlo descendi-

mus? Sed ecce novum mysterium vobis *1. ad Cor. 15.*

dico. Descendit de Cœlo Lucifer, ne-

que ideo ascendet in Cœlum. Ascendit

in Cœlum Petrus, neque unquam de

Cœlo descendit. Ascendent tandem &

Iusti omnes; Ascendemus & nos cum Ju-

stis, si justè vivamus in hoc seculo, simul-

que rapiemur cum illis obviàm Christo

in aëra. Sed quomodo ascendemus cum

Christo, qui nunquam cum Christo de-

scendimus? Detur, oro, mihi sermo in *Ad Ephes. 6.*

apertione oris mei cum fiducia , notum
facere Myſterium Euangelii huius, ita ut
in ipſo audeam, prout oportet me loqui.

Duo erant, quæ maximè deſidera-
bantur, ut Homo cum Chriſto aſcende-
ret, licèt cum Chriſto non deſcendiſſet :
Unio ſcilicet Verbi cum Natura noſtra,
Unio Naturæ noſtræ cum Verbo ; Unio
Capitis cum membris , Unio membro-
rum cum Capite ; Unio DEI cum huma-
nitate , Unio humanitatis cum DEO ;
Quamobrem deſcendens in terras DEUS
in ſimilitudinem Hominum factus, ſervi-
que formam accipiens propter nos ho-
mines , & propter noſtram ſalutem de-
ſcendit de Cœlis ; licèt proinde de Cœlo
non deſcenderimus, ipſe pro nobis omni-
bus de Cœlo deſcendit , ut cum ipſo
omnes in Cœlum aſcenderemus . Aſcen-
dit in Cœlum Petrus , qui nunquam de
Cœlo deſcendit ; Deſcendit de Cœlo Lu-
cifer, qui nunquam in Cœlum aſcendet.
Nolite autem mirari ſuper hoc ; Nuſ-

Ad Phil. 2.

In Symb. Fid.

Joan. 5.

quam enim DEUS Angelos apprehendit, *Ad Hebr. 2.*
 sed semen Abrahamæ, neque Angelis pec-
 cantibus unquam pepercit, sed rudenti- *2. Petri 2.*
 bus inferni detractos in tartarum tradi-
 dit cruciandos.

Regnat propterea Humanitas jam
 suscepta à Verbo ad dexteram Patris se-
 dens; Ascendens siquidem in altum Ho- *Ad Ephes. 4.*
 mo DEUS carnem de nobis assumptam in
 Cœlum Victôr deduxit, ut naturam hu- *Aug. lib. 7.
de Div. Ess.*
 mani generis, quæ à Diabolo captiva de-
 tinebatur, secum transferret in Patriam, &
 ubi nunquam antea fuerat, ad Patris dex-
 teram collocaret. Jam ergo Filius trium- *Chrys. ser. de
Ascens.*
 phans Naturæ nostræ primitias obtulit
 Patri. Abscondita est jam vita nostra cum *Ad Coloss. 3.*
 Christo in DEO. Jam sursum cum illo su- *Augustin. in
Psalm. 127.*
 mus ut membra cum Capite, & ille adhuc
 deorsum est, ut Caput in membris. Ascen- *Idem ser. 1.
de Ascens.*
 dit siquidem Caput, sed non recessit à
 membris; Immo ecce cum membris est *Matth. 23.*
 omnibus diebus usque ad consummatio-
 nem sæculi. Exivit quidem à Patre, & venit
 in

1. ad Tim. 2. in Mundum: Iterum relinquit Mundum,
 & vadit ad Patrem . Sed quia Mediator
Aug. in Joa. tract. 102. est DEI, & hominum, homo Christus
 JESUS, quemadmodum descendens ad
 nos à Patre, non recessit à Patre, ità ascen-
 dens à nobis ad Patrem non recessit à
 nobis; nec deseruit Patrem, cùm indè
 exiret; nec nos deseruit, cùm rediret.

Nunc verò (quod alterum erat caput
 Orationis meæ) quoniam implevit Chri-
 stus id, quod ex nobis deerat, quid sta-
Ad Phil. 2. mus aspicientes in Cœlum? Adimplea-
Actor. 1. mus & nos, quæ defunt Passionum Chri-
Ad Coloss. 2. sti; Quid autem deest Passioni Christi?
 Deest unio membrorum, non quidem
 omnium, sed multorum tamen cum Ca-
Joan. 18. pite . Pater sancte (clamat Caput ad Pa-
Ad Rom. 8. trem, postulatque pro omnibus membris
 gemitibus inenarrabilibus) Pater sancte,
 serva eos, quos dedisti mihi, ut omnes
 sint unum, sicut & nos; Volo enim, ut
 ubi ego sum, & illi sint mecum. Hæc sunt
 Christi ascendentis, & amantis vota; &
 idco

ideo ascendentis , quia amantis , ut quò
 scilicet præcessit Caput , eò sequantur &
 membra . Nè ergo solus ascendat Chri- *Augustin. in*
 stus in Cœlum , qui solus de Cœlo de- *Psal. 20.*
 scendit, quid debent membra ejus facere? *Augustin. in*
 Uniri debent Corpori Christi, ut sit unus *Psal. 122.*
 Christus, qui ascendit, & qui descendit ; *August. ibid.*
 Christus autem Caput est Corporis Ec- *Ad Eph. 5. &*
 clesiæ, ut membra igitur uniantur Capi- *ad Coloss. 1.*
 ti, priùs Corpori uniantur necesse est.

Ascendit ergo Caput in Cœlum cum *Augustin. in*
 Corpore suo, quod est Ecclesia, qui mem- *Psal. 122.*
 bra non sunt Ecclesiæ non sunt membra
 Corporis, non sunt membra Capitis, non
 sunt membra Christi . Christus unus , &
 semper unus, Ecclesia una, & semper una.
 Unum Caput Ecclesiæ Christus , Unum *Ad Ephes. 5.*
 Corpus Christi Ecclesia. Veritatem ergo *Ad Ephes. 4.*
 facientes in charitate , crescimus in illo
 per omnia, qui est Caput Christus, ex quo
 totum Corpus compactum, & connexum
 augmentum facit in ædificationem sui ,
 Crescimus, & ascendamus in corde, in af- *Augustin. in*
 fectu *Psal. 120.*

fectu bono, in Fide, Spe, & Charitate, in
desiderio perpetuitatis, & vitæ æternæ.

*S. Leo ser. 1.
de Ascens.*

Ecce enim Christi ascensio, nostra prove-
ctio est, & quò processit gloria Capitis, eò
Spes vocatur, & Corporis. Audiant ergo
omnes, qui nobiscum sunt, hujus Cor-
poris membra; Et oh utinam in omnem
Terram, & in fines Orbis Terræ exeat so-

Psal. 18.

1. ad Cor. 14.

nus verborum Pauli: Sectamini Charita-
tem; super omnia Charitatem habete,
quod est vinculum perfectionis, in qua

Ad Coloss. 3.

2. ad Cor. 5.

& vocati estis in uno Corpore; Cùm enim
omnes manifestari oporteat ante Tribu-
nal Christi, ut referat unusquisque pro-
pria Corporis, prout gessit, sive bonum,

*Aug. in Joa.
tract. 5.*

sive malum, quid nisi sola Charitas dis-
cernet inter filios DEI, & filios perditio-

Ad Heb. 10.

nis. Magnum judicium! Magna discre-
tio! Terribilis Judicii expectatio! Sed
adhuc terribilior adventus Judicii, quan-
do nempe hic JESUS, qui assumptus est
à nobis in Cœlum, sic veniet, quemad-
modum vidimus eum ascendentem in
Cœlum.

Act. 1.